



# Hapšenja u Tuzli i Foči

Sedam osoba tereti se za ratne zločine protiv stanovništva srpske nacionalnosti, te dvije za zločine nad Bošnjacima

Pripadnici **Državne agencije za istrage i zaštitu (SIPA)** uhapsili su jučer na području Tuzle i Sapne sedam osoba zbog ratnih zločina protiv civilnog stanovništva srpske nacionalnosti u Zvorniku, dok su dvije osobe uhapšene u Foči za nečovječno postupanje i pljačku civila bošnjačke nacionalnosti.

Po nalogu Tužilaštva BiH, uhapšeni su Šemsudin Muminović, ratni komandant 206. viteške zvorničke brigade, Čamil Ahmetović, Džemal Galjić, Rasim Omerović, Asim Alić, Fadila Mujić i Ismeta Memić.


U Foči su uhapšeni osumnjičeni Spomenko Novović i Borislav Pjano, uposlen kao aktivni policijski djelatnik MUP-a RS-a Foča.

Oštre reakcije na hapšenja jučer su stige iz Tuzle.

Fahrudin Hasanović, predsjednik Saveza RVI TK-a, kaže da su posebno uvrijeđeni činjenicom da se od hapšenja prave spektakli iako su osumnjičeni uvijek bili dostupni pravosuđu BiH.

“Komandant Šemsudin Muminović bio je častan komandant, gdje se u svakoj akciji pridržavao Ženevske konvencije”, kazao je Ibrahim Husejnović, predsjednik organizacije demobilisanih boraca Sapna.

Demobilisani borci su pozvali Skupštinu TK-a da zatraži od nadležnih institucija da prestanu sa progonom bivših boraca, a od Vlade TK-a zahtijevaju da u budžetu za narednu godinu planira sredstva za odbranu oslobodilaca BiH.



V. M.

Oštre reakcije stižu iz Tuzle